

閩侯縣卷十二

園宅上

閩縣

梁

虞公庵在東山會稽人虞常侍寄避侯景亂入閩遁迹東山屢諫陳寶應寶應怒遣人焚其舍寄安卧不動縱火者為滅其炬閩人重之名虞公庵

唐

邵校書楚萇宅在開化里

青巖在邵崎邵楚萇讀書處

方山隱處隱者黃子野所居詳高士傳

幽軒歐陽書記玘讀書處

宋

陳幕府簡能宅在忠順坊

閩侯縣志 十二 園宅上

蔡司農伯侁宅在東街今名奇童巷伯侁祥符間四歲能詩舉神童真宗

賜詩年八十七終

李知州俯宅在南營俯知婺州後其子提舉浙東鄉人榮之名嘉榮坊

湛郎中俞宅在館前街俞五十致政還鄉隱於城南宿猿洞三召不起郡

守元絳名其所居曰旌隱坊

宿猿洞在城南湛俞隱處筆精烏石山宿猿洞宋熙寧中湛郎中俞棄官歸隱於此程太卿師孟篆書宿猿洞三字於石

徑尺許洞前舊有荔支樹極佳名曰洞中紅

朱通奉敏中宅在朱紫坊敏中昆弟四人皆登仕版故名

許右丞將宅在鳳池坊

碧巖亭在東山許將讀書處有夜光臺將有自題碧巖亭詩

松風堂在天寧山李丞相綱謫居時寓之有海月來薰二亭又有明極堂

韓通直召宅在都市召崇寧間舉八行黃尚書裳為署名曰大隱坊

陳侍郎塏宅在大義坊陳氏累世居之知閩縣 從士民之請立榮纁



坊鄭性之書扁

鄭丞相昭先宅在洋與昭先居政府卒之夕有大星隕故宅

鄭侍郎湜宅在城門山鼇頂峰東朱子避偽學禁主其家宅後有石橫跨

湖上名自成橋有朱子題刻

芙蓉園在朱紫坊陳少師鞞別業今名花園

林省元積善宅在城門山子孫世居之

鄭處士愷宅在荷溪地名龍井近溪碑刻躍龍津三字

元

吳處士海宅在藤山嘗自榜其齋曰聞過學者稱聞過先生

栢郎中貼穆爾宅在通津門右明師入福州閣門死節人過其門咸為流

涕遂呼為栢衙前

明

林膳部鴻浮亭別業

閩侯縣志

十二 園宅上

二

東山別墅亦林鴻別館

耕隱堂在東郊竹溪鄧布衣定結廬其上足跡不入城市與王恭陳亮等

和倡著有耕隱堂集

趙山人廸宅在白湖亭

鏡湖書屋在南關郭處士厖小隱有鏡湖清唱集

靜志居詩話徐與公云敬夫吾鄉隱君子百年

來罕有知者其題青鋪嶺絕句云家林想在空濛外一帶螺江隱翠微又有門前湖白與山青分携空過白湖亭之句其所居當在白湖螺浦之間

與趙景哲相鄰並也

麗澤軒羅處士泰隱處

雲卧山房在高湖鄭兵部塾所居

林縣令真宅在鳳池坊

葉主簿光宅在瓢巖

萬玉亭在城南鄭教授閣書屋

筠軒在大義坊陳御史叔剛為其父仲昌築



鼇峰書室在城南高大令汝大所居

高縣令瑤宅在黃坂

林文安瀚三代五尚書宅在林浦五尚書為瀚與其子庭梠庭機機子癩  
煙也瀚又有宅在城內河西街

乃逸亭在淘江林方伯璧別業又有至正二樂天心三亭明林文安集方伯由粵西左藩

歸省適大夫入卧病躬侍湯藥甫六日棄世免喪遂不出乃約同志乘扁舟載酒為秋江洗月之遊倡和有詩成集所居之南築園鑿池環植花木以供清吟予造其所公留夜飲笙歌達旦猶未停聲也

南園在洗馬橋東陳狀元謹別業園逶迤里許戶外有岡阜三石森立如笋

鄭縣令蘊中宅在高湖

黃戶部篤宅在義嶺篤官戶部主事歷官清白時有空空歸故鄉之語

丁戊山房在嵩山傅處士汝舟所居後移桂枝坊即宋陳忠肅芙蓉園故址鄭繼之為題門帖云巷陋過顏老去無心朱紫園名自宋秋來有意芙蓉

閩侯縣志 十二 園宅上

蓉又詩云巷隱桂枝堪偃息家存土窟省經營

鄭吏部善夫宅在鼇峰坊自題其堂曰暹清以見志

桑苧園在高湖墩善夫別業自書少谷柴門有清野堂

瓊河草堂在城東南林通參炫別業

靜觀樓劉副使世揚所居

竹林草堂在竹巽鄧副使原岳讀書處

延曦閣在藤山陳郎中勳所居自記曰予居恒坐一小閣廣不數武東向而竇曰名之曰延曦顧獨宜寒夏則炎光從簷罅閒蒸蒸來鏤人不可上

矣湧泉小品元凱謝病歸家終日扁戶却掃嘗一至烏石山聞客聲即走談佳山水心輒動畏客輒不往其友董見龍嘲曰世皆如子直須以環堵為天地即日山川皆為空談矣大笑不為意指庭闈花石瓦水盈此非吾之五嶽江湖耶

水明樓在大義坊中有招隱樓陳孝廉薦夫所居

綠玉齋在鼇峰坊徐山人勳所居又有紅雨樓宛羽樓子延壽孫鍾震世守之易代後淪為尼菴樓尚存綠玉齋勳自記余家九仙山之麓寢室後有樓三楹顏曰紅雨樓之南有園半畝園



中有小阜家大人舊結茅於上僅遮雨露而苦於不便卧起且無以置筆  
視書畫之屬歲已丑余下第還山乃易構小齋於山之坪由園入齋不礙  
數十級曲折透迤列種筠竹齋前隙地護以短牆翳以蘿蔓墻下藝蘭數  
本置石數片齋旁灌木環匝下置石几一石榻二齋止三楹以前後為向  
背中以延客左右二楹差可容膝余兄弟讀書其中無長物但貯所蓄書  
數千卷而已山中樹木雖富惟竹最繁窻扉不扁枕簟皆綠故名以綠玉  
齋云小山僅同蟻垤然視郭中民居已高數丈  
每一流覽萬井千村羣峰列岫吞吐且入九矣

泊臺在朱紫坊謝長史汝韶別業子方伯肇泐世居之

靈山草亭在開元寺前曹宗伯學佺別業

邵中丞捷春宅在鼇峰坊中有池館後為鼇峰書院

中峰巖在塘頭董侍郎應舉讀書處

吸江亭在城南陳山人宏已別業

丁戌山房在嵩山林山人寵所居即傅丁戌故址

涓

塔影樓在南營鄭諭德開極居此樓建於宋見陸游老學庵筆記近為陳

氏業老學庵筆記段成式西陽雜俎言揚州東市塔影忽倒老人言海影

閩侯縣志十二園宅上

四

見正法塔蜀州見天目塔皆有影亦皆倒也然塔之高如是而影止二三尺纖悉皆具或自天窻中下或在廊廡間

芥舟在興賢里亦開極別業

余府丞甸宅在釣龍臺麓

周府丞紹龍宅在梅枝巷

吳御史文煥宅在南營

井上草堂在石井巷黃處士晉良所居著有井上述古

耿王莊在水部門外路通橋側清初為耿精忠別業園林之勝為會城內

外最有山有河渠通潮汐多果樹亭館參錯其間後歸於商陳姓同治間

沒官為桑棉局後正屋為閩浙總督左宗棠祠後改為南公園

陳尚書若霖第在南關外螺洲

洽趣樓在螺洲尚書第內為陳閣學寶琛罷官時所築

王文勒慶雲宅在孝義巷

棟蕉山館在麓峰坊于山為湖北巡撫郭柏蔭別業



林布政壽圖宅在石井巷中有歐齋藏書樓樓燬於火

小荔灣在化民營為廣東高廉道邱景湘宅有池館之勝

芙蓉別島在花園術相傳有曹學仕舊蹟中有太湖石十餘挺長皆丈餘  
光緒間歸龔布政易圖為別墅後歸梁縣令濬年

武陵園在花園術與芙蓉別島隔鄰亦龔易園別業亦嘗借陳縣令書奉  
母居之

賭棋山莊在鰲峰坊九曲亭為長樂謝章鋌宅背負于山